

第七六八册

經濟彙編

祥刑典

律令部

（卷）
三—四

古今圖書集成

中華書局影印

第七次印刷

新開張

本館

印

十

古今圖書集成

中華書局影印

欽定古今圖書集成經濟彙編刑典

第三十五卷目錄

律令部彙考二十一

明律例二

詳刑典第三十五卷

律令部彙考二十一

明

戶律

戶役

脫漏戶口

凡一戶全不附籍有賦役者家長杖一百無賦役者杖八十附籍當差若將他人隱蔽在戶不報及相冒合戶附籍有賦役者亦杖一百無賦役者亦杖八十若將另居親屬隱蔽在戶不報及相冒合戶附籍者各減二等所隱之人並與同罪改正立戶別籍當差其同宗伯叔弟姪及婿自來不曾分居者不在此限其見在官役使辦事者雖脫戶止依漏口法若隱漏自己成丁人口不附籍及增減年狀妄作老幼廢疾以免差役者一口至三口家長杖六十每三口加一等罪止杖一百不成丁三口至五口答四十每五口加一等罪止杖七十入籍當差若隱蔽他人丁口不附籍者罪亦如之所隱之人與同罪發還本戶附籍

當差若里長失於取勘致有脫戶者一戶至五戶答五十每五戶加一等罪止杖一百漏口者一口至十口答三十每十口加一等罪止答五十本縣提調正官首領官吏脫戶者十戶答四十每十戶加一等罪止杖八十漏口者十口答二十每三十口加一等罪止答四十知情者並與犯人同罪受財者計贓以枉法從重論若官吏曾經三次立案取勘已責里長文狀叮嚀省論者事發罪坐里長

人戶以籍爲定

凡軍民驛竈醫卜工樂諸色人戶並以籍爲定若詐冒脫免避重就輕者杖八十其官司妄准脫免及變亂版籍者罪同若詐稱各衛軍人不當軍民差役者杖一百發邊遠充軍

一軍戶子孫畏懼軍役另開戶籍或於別府州縣入贅寄籍等項及至原衛發開清勾買贖原籍官吏里書人等捏作丁盡戶絕回申者俱問罪正犯發煙瘴地面里書人等發附近衛所俱充軍官吏叅究治罪一各處衛所并護衛儀衛司官軍舍餘人等及竈戶置買民田一體坐派糧差若不納糧當差致累里長包賠者俱問罪其田入官

私棚菴院及私度僧道

凡寺觀菴院除見在處所外不許私自棚建增置違者杖一百還俗僧道發邊遠充軍尼僧女冠入官爲奴若僧道不給度牒私自簪剃者杖八十若由家長家長當罪寺觀住持及受業師私度者與同罪並還俗

一凡僧道擅收徒弟不給度牒及民間子弟戶內不

及三丁或在十六以上而出家者俱枷號一箇月並坐罪所由僧道官及住持知而不舉者各罷職還俗一僧道犯罪雖未給度牒悉照僧道科斷該還俗者查發各原籍當差若仍於原寺觀菴院或他寺觀菴院潛住者並枷號一箇月照舊還俗僧道官及住持知而不舉者各治以罪

一凡漢人出家習學番教不拘軍民會否關給度牒俱問發原籍各該軍衛有司當差若漢人冒詐番人者發邊遠充軍

立嫡子違法

凡立嫡子違法者杖八十其嫡妻年五十以上無子者得立庶長子不立長子者罪亦同若養同宗之人爲子所養父母無子而捨去者杖一百發付所養父母收管若有親生子及本生父母無子欲還者聽其乞養異姓義子以亂宗族者杖六十若以子與異姓人爲嗣者罪同其子歸宗其遺棄小兒年三歲以下雖異姓仍聽收養即從其姓若立嗣雖係同宗而尊卑失序者罪亦如之其子亦歸宗改立應繼之人若庶民之家存養奴婢者杖一百即放從良

收留迷失子女

一凡無子立嗣除依律令外若繼子不得於所後之親聽其告官別立其或擇立賢能及所親愛者若於昭穆倫序不失不許宗族指以次序告爭并官司受理若義男女婿爲所後之親喜悅者聽其相爲依倚不許繼子并本生父母用計逼逐仍依大明令分給財產若無子之人家貧聽其賣產自贖

凡收留人家迷失子女不送官司而賣爲奴婢者杖

一百徒三年爲妻妾子孫者杖九十徒二年半若得迷失奴婢而賣者各減良人罪一等被賣之人不坐給親完聚若收留在逃子女而賣爲奴婢者杖九十徒二年半爲妻妾子孫者杖八十徒二年若得在逃奴婢而賣者各減良人罪一等其被賣在逃之人又各減一等若在逃之罪重者自從重論其自收留爲奴婢妻妾子孫者罪亦如之隱藏在家者並杖八十若買者及牙保知情減犯人罪一等追償入官不知者俱不坐追償還主若冒認良人爲奴婢者杖一百徒三年爲妻妾子孫者杖九十徒二年半冒認他人奴婢者杖一百

賦役不均

凡有司科徵稅糧及雜泛差役各驗籍內戶口田糧定立等第科差若放富差貧那移作弊者許被害貧民赴拘該上司自下而上陳告當該官吏各杖一百若上司不爲受理者杖八十受財者計贓以枉法從重論

一布按二司分巡分守官直隸巡按御史嚴督府州縣掌印正官審編均徭從公查照歲額差使於該年均徭人戶丁糧有力之家止編本等差役不許分外加增餘剩銀兩貧難下戶并逃亡之數聽其空閒不許徵銀及額外濫設聽差等項差科違者聽撫按等官糾察問罪奏請改調若各官容情不舉各治以罪一各布政司并直隸府州縣掌印官如遇各部派到物料從公斟酌所屬大小豐歉坐派若豪猾規利之徒買囑吏書妄稟編派下屬承攬害民者俱問發附近衛所充軍各該掌印官聽從者參究治罪

丁夫差遣不平

凡應差丁夫雜匠而差遣不均平者一人笞二十每五人加一等罪止杖六十若丁夫雜匠承差而稽留不著役及在役日滿而所司不放同者一日笞一十每二日加一等罪止笞五十

隱蔽差役

凡家民令子孫弟姪跟隨官員隱蔽差役者家長杖一百官員容隱者與同罪受財者計贓以枉法從重論跟隨之人免罪充軍其功臣容隱者初犯免罪附過再犯住支俸給一半三犯全不支給四犯依律論罪

禁革主保里長

凡各處人民每一百戶內議設里長一名甲首一十名輪年應役催辦錢糧勾攝公事徒有妄稱主保小里長保長主守等項名色生事擾民者杖一百遷徙其合設者老須於本鄉年高有德衆所推服人內選充不許罷開吏卒及有過之人充應違者杖六十當該官吏笞四十

逃避差役

凡民戶逃往鄰境州縣躲避差役者杖一百發還原籍當差其親管里長提調官吏故縱及鄰境人戶隱蔽在己者各與同罪若里長知而不逐遣及元管官司不移文起取若移文起取而所在官司占愆不發者各杖六十其在洪武七年十月以前流移他郡曾經附籍當差者勿論限外逃者論如律若丁夫雜匠在役及工樂雜戶逃者一日笞一十每五日加一等罪止笞五十提調官吏故縱者各與同罪受財者計

贓以枉法從重論不覺逃者五人笞三十每五人加一等罪止笞四十不及五名者免罪

一沿邊沿海地方軍民人等躲避差役逃入土夷洞寨海島潛住究問情實俱發邊遠衛分永遠充軍本管里長總小旗及兩鄰知而不首者各治以罪有能擒拿送官者不問漢土軍民量加給賞

點差獄卒

凡各處獄卒於相應慣熟人內點差應役令人代替者笞四十

私役部民夫匠

凡有司官私役使部民及監工官私役使夫匠出百里之外及久占在家使喚者一名笞四十每五名加一等罪止杖八十每名計一日追給顧工錢六十文若有吉凶及在家借使雜役者勿論其所使人數不得過五十名每名不得使過二日如違者即以私役論

別籍異財

凡祖父母父母在而子孫別立戶籍分異財產者杖一百須祖父母父母親告乃坐若居父母喪而弟兄別立戶籍分異財產者杖八十須期親以上尊長親告乃坐

卑幼私擅用財

凡同居卑幼不由尊長私擅用本家財物者二十貫笞二十每二十貫加一等罪止杖一百若同居尊長應分家財不均平者罪亦如之

收養孤老

凡鰥寡孤獨及篤廢之人貧窮無親屬依倚不能自

存所在官司應收養而不收養者杖六十若應給衣糧而官吏尅減者以監守自盜論

田宅

欺隱田糧

凡欺隱田糧脫漏版籍者一畝至五畝笞四十每五畝加一等罪止杖一百其田入官所隱稅糧依數徵納若將田土移圯換段那移等則以高作下減漏糧額及詭寄田糧影射差役并受寄者罪亦如之其田改正收科當差里長知而不舉與犯人同罪其還鄉復業人民丁力少而舊田多者聽從儘力耕種報官入籍計田納糧當差若多餘占田而荒蕪者三畝至十畝笞三十每十畝加一等罪止杖八十其田入官若丁力多而舊田少者告官於附近荒田內驗力撥付耕種

一凡宗室置買田產恃強不納差糧者有司查實將管莊人等問罪仍計算應納差糧多寡抵扣祿米若有司阿縱不舉者聽撫按官參奏重治

檢踏災傷田糧

凡部內有水旱霜雹及蝗蝻爲害一應災傷田糧有司官吏應准告而不即受理申報檢踏及本管上司不與委官覆踏者各杖八十若初覆檢踏官吏不行親詣田所及雖詣田所不爲用心從實檢踏止憑里長甲首朦朧供報中間以熟作荒以荒作熟增減分數通同作弊瞞官害民者各杖一百罷職役不叙若致枉有所徵免糧數計贓重者坐贓論里長甲首各與同罪受財者並計贓以枉法從重論其檢踏官吏及里長甲首失於關防致有不實者計田十畝以下

免罪十畝以上至二十畝笞二十每二十畝加一等罪止杖八十若人戶將成熟田地移圯換段冒告災傷者一畝至五畝笞四十每五畝加一等罪止杖一百合納稅糧依數追徵入官

功臣田土

凡功臣之家除撥賜公田外但有田土從管莊人盡數報官入籍納糧當差違者一畝至三畝杖六十每三畝加一等罪止杖一百徒三年罪坐管莊之人其田入官所隱稅糧依數徵納若里長及有司官吏賂勘不實及知而不舉者與同罪不知者不坐

盜賣田宅

凡盜賣換易及冒認若虛錢實契典買及侵占他人田宅者田一畝屋一間以下笞五十每田五畝屋三間加一等罪止杖八十徒二年係官者各加二等若強占官民山場湖泊茶園蘆蕩及金銀銅場鐵冶者杖一百流三千里若將互爭及他人田產妄作己業朦朧投獻官豪勢要之人與受者各杖一百徒三年田產及盜賣過田價并遞年所得花利各還官給主若功臣初犯免罪附過再犯住支俸給一半三犯全不支給四犯與庶人同罪

一軍民人等將爭競不明并賣過及民間起科僧道將寺觀各田地若干孫將公共祖墳山地朦朧投獻王府及內外官豪勢要之家私捏文契典賣者投獻之人問發還衛未遠充軍田地給還應得之人及各寺觀墳山地歸同宗親屬各管業其受投獻家長并管莊人參究治罪山東河南北直隸各處空閒地土祖宗朝俱聽民儘力開種未不起科若有占奪投獻

者悉照前例問發

一凡用強占種屯田五十畝以上不納子粒者問罪照數追納完日官調邊衛帶俸差操旗軍軍丁人等發邊衛充軍民發口外爲民其屯田人等將屯田典賣與人至五十畝以上與典主買主各不納子粒者俱照前問發若不滿數及上納子粒不缺或因無人承種而侵占者照常發落管屯等官不行用心清查者糾奏治罪

一西山一帶密邇京師地方內外官豪勢要之家私自開窯賣煤鑿山賣石立廠燒灰者問罪枷號一個月發邊衛充軍干礙內外官員參奏提問

一大同山西宣府延綏寧夏遼東薊州紫荆密雲等邊分守守備備禦府州縣官員禁約該管官旗軍民人等不許擅自入山將應禁林木砍伐販賣違者發南方煙瘴衛所充軍若前項官員有犯文官革職爲民武官革職差操鎮守并副參等官有犯指實奏其經過關隘河道守把官軍容情縱放者究問治罪

任所置賣田宅

凡有司官吏不得于見任處所置買田宅違者笞五十解任田宅入官

典買田宅

凡典買田宅不稅契者笞五十仍追田宅價錢一半入官不過割者一畝至五畝笞四十每五畝加一等罪止杖一百其田入官若將已典賣與人田宅朦朧重復典賣者以所得價錢計贓准竊盜論免刺追價還主田宅從元典買主爲業若重復典買之人及牙保知情者與犯人同罪追價入官不知者不坐其所

典田宅園林碾磨等物年限已滿業主備價取贖若典主託故不肯放贖者答四十限外遞年所得花利追徵給主依價取贖其年限雖滿業主無力取贖者不拘此律

一告爭家財田產但係五年之上并雖未及五年驗有親族寫立分書已定出賣文約是實者斷令照舊管業不許重分再贖告詞立案不行

盜耕種官民田

凡盜耕種他人田者一畝以下答三十每五畝加一等罪止杖八十荒田減一等強者各加一等係官者各又加二等花利歸官主

一成化十年七月十一日節該欽奉憲宗皇帝聖旨陝西榆林等處近邊地土各營堡草場界限明白敢有那移條款盜耕草場及越出邊牆界限種田者依律問擬追徵花利完日軍職降調甘肅衛分差操軍民係外處者發榆林衛充軍係本處者發甘肅衛充軍有毀壞邊牆私出境外者柳號三個月發落欽此

荒蕪田地

凡里長部內已入籍納糧當差田地無故荒蕪及應課種桑麻之類而不種者俱以十分為率一分答二十每一分加一等罪止杖八十縣官各減二等長官為首佐職為從人戶亦計荒蕪田地及不種桑麻之類以五分為率一分答二十每一分加一等追徵合納稅糧還官

應課種桑棗黃麻苧麻綿花藍靛紅花之類各隨鄉土所宜種植棄毀器物稼穡等

凡棄毀人器物及毀伐樹木稼穡者計贓准竊盜論免刺官物加二等若遺失及誤毀官物者各減三等並驗數追償私物者償而不坐罪若毀人墳墳內碑碣石獸者杖八十毀人神主者杖九十若毀損人房屋牆垣之類者計合用修造雇工錢坐贓論各令修立官屋加二等誤毀者但令修立不坐罪

擅食田園瓜果

凡于他人田園擅食瓜果之類坐贓論棄毀者罪亦如之其擅將去及食係官田園瓜果若官造酒食者加二等主守之人給與及知而不舉者與同罪若主守私自將去者並以監守自盜論

私借官車船

凡監臨主守將係官車船店舍碾磨之類私自借用或轉借與人及借之者各答五十驗日追雇賃錢入官若計雇賃錢重者各坐贓論加一等

婚姻

男女婚姻

凡男女定婚之初若有殘疾老幼庶出過房乞養者務要兩家明白通知各從所願寫立婚書依禮聘嫁若許嫁女已報婚書及有私約謂先已知夫身殘而疾老幼庶養之類而輒悔者答五十雖無婚書但會受聘財者亦是若再許他人未成婚者杖七十已成婚者杖八十後定娶者知情與同罪財禮入官不知者不坐追還財禮女歸前夫前夫不願者倍追財禮給還其女仍從後夫男家悔者罪亦如之

若不追財禮其未成婚男女有犯姦盜者不用此律若為婚而女家妄冒者杖八十謂如女有殘疾却令姊妹妄冒相見後却以殘疾

女成婚之類

追還財禮男家妄冒者加一等謂如與親男定婚却與義男成婚又如男有殘疾却令弟兄妄冒相見後却以殘疾男成婚之類

不追財禮未成婚者仍依原定已成婚者離異其應為婚者雖以納聘財期約未至而男家強娶及期約已至而女家放違期者並答五十若卑幼或仕宦或買賣在外其祖父母父母及伯叔父母姑兄姊後為定婚而卑幼自娶妻已成婚者仍舊為婚未成婚者從尊長所定違者杖八十

典雇妻女

凡將妻妾受財典雇與人為妻妾者杖八十雇典女者杖六十婦女不坐若將妻妾作姊妹嫁人者杖一百妻妾杖八十知而典娶者各與同罪並離異財禮入官不知者不坐追還財禮

一凡將妻妾作姊妹及將拐帶不明婦女或將親女并居喪姊妹嫁賣與人作妻妾使女名色騙財之後設詞託故公然領去或戰起程中途聚眾行兇邀搶人財者除真犯死罪外有餘屬軍衛者發邊衛充軍屬有司者發口外為民媒人知情罪同若婦人有犯罪坐夫男若不知情及無夫男者止坐本婦照常發落

妻妾失序

凡以妻為妾者杖一百妾在以妾為妻者杖九十並改正若有妻更娶妻者亦杖九十離異其民年四十以上無子者方聽娶妾違者各四十逐婿嫁女

凡逐婿嫁女或再招婿者杖一百其女不坐男家知而娶者同罪不知者亦不坐其女斷付前夫出居完聚

居喪嫁娶

凡居父母及夫喪而身自嫁娶者杖一百若男子居喪娶妻女嫁人為妾者各減二等若命婦夫亡再嫁者罪亦如之追奪並離異知而共為婚姻者各減五等不知者不坐若居祖父母伯叔父母姑兄姊喪而嫁娶者杖八十妾不坐若居父母舅姑及夫喪而與應嫁娶人主婚者杖八十其夫喪服滿願守志非女之祖父母父母而強嫁之者杖八十期親強嫁者減二等婦人不坐追歸前夫之家聽從守志娶者亦不坐追還財禮

父母囚禁嫁娶

凡祖父母父母犯死罪被囚禁而子孫嫁娶者杖八十為妾者減二等其奉祖父母父母命而嫁女娶妻者不坐亦不得筵宴

同姓為婚

凡同姓為婚者各杖六十離異

尊卑為婚

凡外姻有服尊屬卑幼共為婚姻及娶同母異父姊妹若妻前夫之女者各以姦論其父母之姑舅兩姨姊妹及姨若堂姨母之姑堂姑已之堂姨及再從姨堂外甥女若女婿及子孫婦之姊妹並不得為婚姻違者各杖一百若娶已之姑舅兩姨姊妹者杖八十並離異
一凡男女親屬尊卑相犯重情或干有律應離異之

人悉遵成憲俱照親屬已定名分各從本律科斷不得妄生異議致罪有出入其間情犯稍有可擬揆於法制似為太重或於大分不甚有礙者聽各該原問衙門臨時斟酌議奏
一凡前夫子女與後夫子女苟合成婚者以娶同母異父姊妹律條科斷

娶親屬妻妾

凡娶同宗無服之親及無服親之妻者各杖一百若娶總麻親之妻及舅甥妻各杖六十徒一年小功以上各以姦論其曾祖出及已改嫁而娶為妻妾者各杖八十若收父祖妾及伯叔母者各斬若兄亡收嫂弟亡收弟婦者各絞妾各減二等若娶同宗總麻以上姑姪姊妹者亦各以姦論並離異

娶部民婦女為妻妾

凡府州縣親民官任內娶部民婦女為妻妾者杖八十若監臨官娶為事人妻妾及女為妻妾者杖一百女家並同罪妻妾仍兩離之女給親財禮入官強娶者各加二等女家不坐不追財禮若為子孫弟姪家人娶者罪亦如之男女不坐

娶逃走婦女

凡娶犯罪逃走婦女為妻妾知情者與同罪至死者減一等離異不知者不坐若無夫會赦免罪者不離

強占良家妻女

凡勢豪之人強奪良家妻女姦占為妻妾者絞婦女給親配與子孫弟姪家人者罪亦如之男女不坐
一凡強奪良人妻女賣與他人為妻妾及投獻王府并動威勢豪之家者俱比照強奪良家妻女姦占為

妻妾絞罪奏請定奪

娶樂人為妻妾

凡官吏娶樂人為妻妾者杖六十並離異若官員子孫娶者罪亦如之附過候陰襲之日降一等於邊遠敘用其在洪武元年已前娶者勿論

僧道娶妻

凡僧道娶妻妾者杖八十還俗女家同罪離異寺觀住持知情與同罪不知者不坐若僧道假託親屬或僮僕為名求娶而僧道自占者以姦論

良賤為婚姻

凡家長與奴娶良人為妻者杖八十女家減一等不知者不坐其奴自娶者罪亦如之家長知情者減二等因而入籍為婢者杖一百若妾以奴婢為良人而與良人為夫妻者杖九十各離異改正

蒙古色目人婚姻

凡蒙古色目人聽與中國人婚姻務要兩不許本類自相嫁娶違者杖八十男女入官為奴其中國人願與同回欽察為婚姻者聽從本類自相嫁娶不在禁限

出妻

凡妻無應出及義絕之條而出之者杖八十雖犯七出有三不去而去之者減二等追還完聚若犯義絕應離而不離者亦杖八十若夫妻不相和諧而兩願離者不坐若妻背夫在逃者杖一百從夫嫁買因而改嫁者絞其因夫逃亡三年之內不告官司而逃去者杖八十擅改嫁者杖一百妾各減二等若婢背家長在逃者杖八十

家長窩主及知情娶者各與同罪至死者減一等不知者俱不坐若由期親以上尊長主婚改嫁者罪坐主婚妻妾止得在逃之罪餘親主婚者餘親謂期親以下尊長卑幼事由主婚主婚為首男女為從事由男女男女為首主婚為從至死者主婚人並減一等

嫁娶違律主婚媒人罪

凡嫁娶違律若由祖父母父母伯叔父母姑兄姊及外祖父母主婚者獨坐主婚餘親主婚者餘親謂期親以下尊長卑幼事由主婚主婚為首男女為從事由男女男女為首主婚為從至死者主婚人並減一等其男女被主婚人威逼事不由己若男年二十歲以下及在室之女亦獨坐主婚男女俱不坐未成婚者各減已成婚罪五等若媒人知情者各減犯人罪一等不知者不坐其違律為婚各條稱離異改正者雖會赦猶離異改正離異者婦人並歸宗財禮若娶者知情則追入官不知者則追還主

倉庫

鈔法

凡印造寶鈔與洪武大中通寶及歷代銅錢相兼行使其民間買賣諸物及鹽茶商稅諸色課程並聽收受違者杖一百若諸人將寶鈔赴倉庫庫務折納諸色課程中買鹽貨及各衙門起解贓罰須要於鈔背用使姓名私記以憑稽考若有不行用心辨驗收受偽鈔及挑剗描換鈔貫在內者經手之人杖一百倍追所納鈔貫謂誤收偽鈔并挑剗換偽挑鈔貫燒毀其民間關市交易亦許用使私記若有不行仔細辨驗誤相行使者杖一百倍追鈔貫止問見使之入

若知情行使者並依本律
一在外衙門官員通同勢要賣納戶口等項課鈔者問罪賣鈔之人發邊衛充軍鈔貫入官官員縱無贓私奏請降用

錢法

凡錢法設立寶源等局鼓鑄洪武通寶銅錢與大中通寶及歷代銅錢相兼行使折二當三當五當十依數推算民間金銀米麥布帛諸物價錢並依時值聽從民便若阻滯不即行使者杖六十其軍民之家除鏡子軍器及寺觀菴院鐘磬鏡鈔外其餘應有廢銅並聽赴官中賣每斤給價銅錢一百五十文若私相買賣及收匿在家不赴官中賣者各笞四十

收糧違限

凡收夏稅於五月十五日開倉七月終齊足秋糧十月初一日開倉十二月終齊足如早收去處預先收受者不拘此律若夏稅違限至八月終秋糧違限至次年正月終不足者其提調部糧官吏典分催里長欠糧人戶各以十分為率一分不足者杖六十每一分加一等罪止杖一百受財者計贓以枉法從重論若違限一年之上不足者人戶里長杖一百還徒提調部糧官吏典處絞
一各處勢豪大戶無故恃頑不納本戶秋糧五十石以上問罪監追完日發附近二百石以上發邊衛俱充軍如三月之內能完納者照常發落
一各處勢豪大戶敢有不行運赴官倉逼軍私兌者比照不納秋糧事例問擬充軍如掌印管糧官不即申達區處縱容遲悞一百石以上者提問住俸一年

二百石以上者提問降二級三百石以上者比照罷軟事例罷黜

多收稅糧斛面

凡各倉收受稅糧聽令納戶親自行槩平斛交收作數支銷依令准除折耗若倉官斗級不令納戶行槩踢斛淋尖多收斛面者杖六十若以附餘糧數計贓重者坐贓論罪止杖一百提調官吏知而不舉與同罪不知者不坐

一在京在外并各邊一應收放糧草去處若職官子弟積年光棍眼子買頭小腳歇家跟官伴當人等三五成羣搶奪籌斛占堆行槩等項打攪倉場及欺凌官攢或挾詐運納軍民財物者杖罪以下於本處倉場門首枷號一個月發落徒罪以上與再犯杖罪以下免其枷號屬軍衛者發邊衛屬有司者發附近俱充軍干係內外官員奏請定奪

一各處倉糧每石收耗米三升查盤之時計守支年分每年每石准開耗一升若二年之外原收耗糧已減盡照例於正糧內遞開一升准作耗糧此外若有侵盜者方照律例問罪

隱匿費用稅糧課物

凡送本戶應納稅糧課物及應入官之物而隱匿費用不納或詐作損失欺妄官司者並計所虧欠物數准竊盜論免刺其部運官吏知情與同罪不知者不坐

攬納稅糧

凡攬納稅糧者杖六十著落赴倉納足再於犯人名下追罰一半入官若監臨主守攬納者加罪二等其

小戶畸零米麥因便轉數於納糧人戶處附納者勿論

一各處司府州縣每歲將應解錢糧起數先後編次在冊務要差委的當人員依次起解其兌頭水脚等項照數交領不許分毫侵剋仍將起解日期預先報部以憑查催如有阿徇人情濫差積年無藉之徒及捏稱把總雜職陰陽省祭等項名色領解致侵銀一千兩以上者降一級若應解錢糧不即起解因而別項那用一千兩以上者亦降一級五千兩以上者照不謹事例罷黜其冊報錢糧已經解出違限一年以上不行追取批迴者官住俸承行該吏革役若聽內外勢要官豪攬納者問發為民干礙勢豪糾治罪一內府錢糧及內外倉場糧草并各處軍需等項不拘起運存留但有包攬誑騙銀一百兩糧二百石以上不行完納事發問罪責限三個月以裏完納者照常發落過期不完者儘其財產陪納發邊衛充軍經年不完者仍枷號一個月照前發遣各邊武職主使家人伴當跟隨交結人員挾勢攬納作弊者叅問降二級聽使之入仍照前例問發

一京通并馬房倉場等處收受草束若兜攬之徒恃強將不堪水濕小草充數囑託監收官員收受者挈送問罪枷在本處倉場門首三個月發落

一在京刁徒光棍訪知鋪行但與解戶交關價銀輒便邀集黨類數十為羣入門噪鬧指為攬納捉要送官其家畏懼罪名厚賂買滅所費錢物出在解戶以致錢糧累年不完如有犯者聽經該及緝事衙門軍送法司查照打擾倉場事例發遣

虛出通關硃鈔

凡倉庫收受一應係官錢糧等物不足而監臨主守通同有司提調官吏虛出通關者計所虛出之數併贓皆以監守自盜論若委官盤點錢糧數本不足扶同申報足備者罪亦如之受財者計贓以枉法從重論其監守不收本邑折收財物虛出硃鈔者亦以監守自盜論納戶知情減二等免刺原與之贓入官不知者不坐其贓還主同僚知而不舉者與犯人同罪不知及不同署文案者不坐

一凡各處巡按御史每年一次委官查盤所屬地方錢糧及點開驛遞夫馬等項事完之日各委官將查點過緣由并問過罪名通申巡撫知會內有與各差御史事體相關者摘申各差御史知會從一歸結不必另委官查點致滋煩擾亦不許委州縣正官致妨職業若不委官不悉心查點審究贓數的確但憑吏書故入人罪者聽撫按官應提問者提問應叅奏者奏請提問降一級調用情重者革職開住

附餘錢糧私下補數

凡各衙門及倉庫但有附餘錢糧須要盡實報官明白正收作數若監臨主守將增出錢糧私下銷補別項事故虧折之數瞞官作弊者並計贓以監守自盜論若內府承運庫收受金帛當日交割未完者許令附簿寄庫若有餘剩之物本庫明白立案正收開申戶部作數若朦朧擅將金帛等物出外者斬守門官失於盤獲搜檢者杖一百

私借錢糧

凡監臨主守將係官錢糧等物私自借用或轉借與

人者雖有文字並計贓以監守自盜論其非監守之人借者以常人盜倉庫錢糧論若將自己物件抵換官物者罪亦如之

私借官物

凡監臨主守將係官什物衣服氈褥器玩之類私自借用或轉借與人及借之者各笞五十過十日各坐贓論減二等若有損失者依毀失官物律坐罪追賠

那移出納

凡各衙門收支錢糧等物已有文案勘合若監臨主守不正收正支那移出納還充官用者並計贓准監守自盜論罪止杖一百流三千里免刺若不給半印勘合擅出權帖或給勘合不立文案放支及倉庫不候勘合或已奉勘合不附簿放支者罪亦如之其出征鎮守軍馬經過去處行糧草料明立文案即時應付具數開申合于上司准除不在擅支之限違者杖六十

庫秤雇役侵欺

凡倉庫務場局院庫秤斗級若雇役之人侵欺借貸移易係官錢糧並以監守自盜論若雇主同情分受贓物者罪亦如之其知情不會分贓而扶同申報贖官及不首告者減一等罪止杖一百不知者不坐

冒支官糧

凡管軍官吏總旗小旗冒支軍糧入己者計贓准竊盜論免刺

錢糧互相覺察

凡倉庫務場官吏攬攔庫子斗級皆得互相覺察若知侵欺盜用借貸係官錢糧已出倉庫匿而不舉及

故縱者並與犯人同罪失覺察者減三等罪止杖一百若官吏虛立文案那移出納及虛出通關其斗級庫子攔頭不知者不坐

倉庫不覺被盜

凡有人從倉庫中出守把之人不搜檢者笞二十因不搜檢以致盜物出倉庫而不覺者減盜罪二等若夜直更之人不覺盜者減三等倉庫直宿官攬斗級庫子不覺盜者減五等並罪止杖一百故縱者各與盜同罪若被強盜者勿論

一內外官庫被竊盜銀至一千兩以上一個月不獲經該井巡捕官俱各住俸半年不獲提問被盜二三次者奏請降調其該道分巡分守官叅奏罰治不及前數者俱照常發落庫子儘其財產均追賠償候真贓得獲照數給還若各官妄率平人逼認盜賊追賠者亦問罪降調

守支錢糧及擅開官封

凡倉庫官攬斗級庫子役滿得代所收錢糧官物並令守支盡絕若無短少方許給由其有應合相沿交割之物聽提調官吏監臨盤點見數不得指撥指庫交割違者各杖一百若官物有印封記其主典不請原封官司而擅開者杖六十

出納官物有違

凡倉庫出納官物當出陳物而出新物應受上物而受下物之類及有司和雇和買不即給價若給價有增減不實者計所虧欠及多餘之價坐贓論若應給俸祿未及期而預給者罪亦如之其監臨官吏知而不舉與同罪不知者不坐

一官員監生吏典旗軍人等關過俸糧及預支應得糧米遇有事故調用等項五斗以上失於還官者事發止問不應追糧還官五斗以下俱免追問

收支畱難

凡收受支給官物其當該官吏無故畱難刁蹬不即收支者一日笞五十每三日加一等罪止杖六十徒一年守門人畱難者罪亦如之若領物納物之人到有先後主司不依次序收支者笞四十

一各處司府州縣并各鈔關解到布絹錢鈔等項赴部給文送甲字等庫驗收若有指稱權貴各色捐勒解戶誣詐財物者聽巡視庫藏科道官及該部委官挈送法司究問不分軍民匠役俱發邊衛充軍干礙內外官員一體叅奏處治

起解金銀足色

凡收受諸色課程變賣貨物起解金銀須要足色如成色不及分數提調官吏人匠各笞四十著落均賠還官

損壞倉庫財物

凡倉庫及積聚財物主守之人安置不如法曬晾不以時致有損壞者計所損壞之物坐贓論著落均賠還官若卒遇雨水衝激失火延燒盜賊劫奪事出不測而有損失者委官保勘覆實顯蹟明白免罪不賠其監臨主守若將侵欺借貸那移之數乘其水火盜賊虛捏文案及扣換交單籍冊申報瞞官者並計贓以監守自盜論同僚知而不舉者與同罪不知者不坐

轉解官物

凡各處徵收錢帛買辦軍需成造軍器等物所在州縣交收差有職役人員陸續類解本府若本府不即交收差人轉解勒令入戶就解布政司者當該提調正官首領官吏與各杖八十若布政司不即交收勒令各府就解部者首領官吏與罪亦如之其起運官物長押官及解物人安置不如法致有損失者計所損失之物坐贓論著落均賠還官若船行卒遇風波及失火延燒或盜賊劫奪事出不測而有損失者申告所在官司委官保勘覆實顯蹟明白免罪不賠若有侵欺者計贓以監守自盜論若起運官物不運本色而輒齎財貨於所納處收買納官者亦計贓以監守自盜論

一漕運把總指揮千百戶等官索要運軍常例及指以供辦等費為由科索并扣除行月糧與船料等項值銀三十兩以上者問罪立功五年滿日降一級帶俸差操如未及三十兩者止照常科斷其跟官書算人等指稱使用科索軍人財物入己贓至二十兩以上發邊衛充軍

一凡漕運官軍敢有水次折乾及中途糶賣以致抵壩起欠及臨倉掛欠者即係侵欺除正犯查照律例問擬外其餘官旗仍各總計名下欠數總小旗欠一百石問發哨瞭百戶鎮撫欠二百五十石千戶欠五百石指揮及千戶等官全幫領運者欠一千石把總官欠三千石俱問罪降一級發原衛所帶俸差操有能臨時設法買補充足止坐折賣正犯各官旗免罪其雖不係侵盜但有虧折俱照前例擬斷若總欠數多及屢惡不堪至三萬石以上總督總兵等官另行

奏請定奪

一京通倉完糧違限三個月者把總官以下罰俸半年五個月者罰俸一年薊州昌密各倉完糧違限者查照遞減一等止行各該衛所罰俸免其提問違至次年二月終限者俱問罪降二級若又掛欠數多把總名下三千石或銀一千五百兩以上指揮名下及千戶等官全幫領運者一千石銀五百兩以上千戶五百石銀二百五十兩以上百戶鎮撫等官二百五十石銀一百二十兩以上仍於違限上各遞降一級每一倍加一等把總指揮千戶降至總旗而止百戶降至小旗而止不及前數者照常發落有能當年補完者通免降級如願下年領運至京補完許奏復原職仍以十分為率能完五分以上者准復原降一級三年之內儘數補完亦准奏復原職其一應提問官旗各省及直隸江南衛分行各該巡按御史南京并江北衛分行漕運衙門各就近提問以便完結

一漕運把總指揮千戶等官如有漂流數多把總三千石指揮及千戶等官全幫領運者一千石千戶五百石百戶鎮撫二百五十石俱問罪於見在職級上降一級有能自備銀兩不費別軍羨餘當年處補完足者免其問降若願隨下年糧運補完亦准復原職止完一半准復一級三年內儘數補完亦准復原職一衛所官完糧後備造支銷數目呈報稽考若有造報不明及侵欺靠損情弊許運軍指實首告各查照律例從重問擬把總官失於覺察叅問治罪

一漕運官軍如有水次折乾沿途盜賣自度糧米短少故將船放失漂流及雖係漂流損失不多乘機侵

匿捏作全數賄囑有司官吏扶同奏勘者前後幫船及地方居民有能覺察告首督運官司查實給賞輕齎銀十兩官軍不分賊數多少俱照例發邊衛未遠充軍有司官吏從重問擬仍行原衛所將失事之人家產變賣抵償不許輕扣別軍月糧以長奸惡前後幫船知而不舉一體連坐仍於正犯所欠錢糧內責令幫賠十分之三

一漕運糧米漂流萬石以上漕運都御史總兵官聽科道官糾劾該部具奏定奪三千石以上提問把總官不及數者止提問本管官旗各該巡撫亦有漕司之責係本境內漂失數多者照漕司事例一體叅究出境不必槩及

擬斷賊罰不當

凡擬斷賊罰財物應入官而給主及應給主而入官者坐贓論罪止杖一百

守掌在官財物

凡官物當應給付與人己出倉庫而未給付若私物當供官用已送在官而未入倉庫但有人守掌在官若有侵欺借貸者並計贓以監守自盜論

一各處衛所管軍頭目人等關出糧料布花等物若指以公用為由因而扣減入己糧料至一百石大布棉花錢帛等物值銀三十兩以上者問罪追贓完日軍職發立功五年滿日降一級帶俸差操旗軍人等枷號一個月發極邊墩臺守哨五年滿日疎放

隱瞞入官家產

凡抄沒人口財產除謀反謀叛及奸黨係在十惡依律抄沒其餘有犯律不該載者妻子財產不在抄沒

入官之限違者依故入人流罪論若抄創入官家產而隱瞞人口不報者計口以隱瞞丁口論若隱瞞田土者計田以欺隱田糧論若隱瞞財物房屋孳畜者坐贓論各罪止杖一百所隱人口財產並入官罪坐供報之人若里長同情隱瞞及當該官吏知情者並與同罪計所隱贓重者坐贓論全科受財者計贓以枉法各從重論失覺舉者減三等罪止笞五十

課程

鹽法

凡犯私鹽者杖一百徒三年若有軍器者加一等誣指平人者加三等拒捕者斬鹽貨車船頭匹並入官引領牙人及窩藏寄頓者杖九十徒二年半挑担販載者杖八十徒二年非應捕人告獲者就將所獲私鹽給付告人充賞有能自首者免罪一體給賞若事發止理見獲人鹽當該官司不許輟轉攀指違者以故入人罪論

謂如人鹽同獲止理見發有確貨無犯人者其鹽沒官不須追究

凡竈場竈丁人等除正額鹽外夾帶餘鹽出場及私煎貨賣者同私鹽法百夫長知情故縱及通同貨賣者與犯人同罪

凡婦人有犯私鹽若夫在家或子知情罪坐夫男其雖有夫而遠出或有子幼弱罪坐本婦

凡買食私鹽者杖一百因而貨賣者杖一百徒三年凡守禦官司及鹽運司巡檢司巡撫私鹽即發有司歸勘各衙門不許擅問若有司官吏通同脫放者與犯人同罪受財者計贓以枉法從重論

凡守禦官司及有司巡檢司設法差人於梟管地面并附場緊關去處常川巡禁私鹽若有透漏者開津把截官及所委巡鹽人員初犯笞四十再犯笞五十三犯杖六十並附過還職若知情故縱及容令軍兵隨同販賣者與犯人同罪受財者計贓以枉法從重論其巡獲私鹽入己不解官者杖一百徒三年若裝誣平人者加三等

凡軍人有犯私鹽本管千百戶有失鈴束者百戶初犯笞五十再犯杖六十三犯杖七十減半給俸千戶初犯笞四十再犯笞五十三犯杖六十減半給俸並附過還職若知情容縱及通同販賣者與犯人同罪凡起運官鹽每引二百斤爲一袋帶耗五斤經過批驗所依數掣掣秤盤但有夾帶餘鹽者同私鹽法若各鹽越過批驗所不經掣掣關防者杖九十押回盤驗

凡客商販賣官鹽不許鹽引相離違者同私鹽法其賣鹽了畢十日之內不繳退引者笞四十若將舊引影射鹽貨者同私鹽法

凡起運官鹽并鹽戶運鹽上倉將帶軍器及不用官船起運者同私鹽法

凡官商將官鹽插和沙土貨賣者杖八十

凡將有引官鹽不於拘該行鹽地面發賣轉於別境犯界貨賣者杖一百知而買食者杖六十不知者不坐其鹽入官

一各邊召商上納糧草若內外勢要官豪家人開立詭名占窩轉賣取利者俱問發邊衛充軍干礙勢豪參究治罪

一凡豪強鹽徒聚衆至十人以上擄駕大船張掛旗號擅用兵仗響器拒敵官兵若殺人及傷三人以上者比照強盜已行得財律皆斬爲首者仍梟首示衆其雖拒敵不會殺傷人爲首者依律處斬爲從者俱發邊衛充軍若止十人以下原無兵仗遇有追捕拒敵因而傷至二人以上者爲首依律處斬下手之人比照聚衆中途打奪罪人因而傷人律絞其不會下手者仍爲從論罪若貧難軍民將私鹽肩挑背負易米度日者不必禁捕

一越境與販官司引鹽至三千斤以上者問發附近衛所充軍原係腹裏衛所者發邊衛充軍其客商收買餘鹽買求掣掣至三千斤以上者亦照前例發遣經過官司縱放及地方甲鄰里老知而不舉各治以罪巡捕官員乘機與販至三千斤以上亦照前例問發

一凡兩淮等處運司中鹽商人必須納過銀兩紙價方給引目守支若先年不會上納故捏守支年久等項虛詞奏擾者依律問罪仍照各處鹽場無籍之徒把持詐害事例發遣

一凡偽造鹽引印信賄賂運司吏書人等將已故并遠年商人名籍中鹽來歷填寫在引轉買誣騙財物爲首者依律處斬外其爲從并經紀牙行店戶運司吏書一應知情人等但計贓滿貫者不拘會否支鹽出場俱發邊衛充軍

一各鹽運司總催名下該管鹽課納完者方許照名填給通關若總催買贖官吏并覆盤委官指倉指囤扶同作弊者俱問發邊衛充軍

一各處鹽場無籍之徒號稱長布衫趕船虎光棍好漢等項名色把持官府詐害客商犯該徒罪以上及再犯杖罪以下者俱發邊衛充軍

監臨勢要中鹽

凡監臨官吏詭名及權勢之人中納錢糧請買鹽引勒合侵奪民利者杖一百徒三年鹽貨入官

阻壞鹽法

凡客商中買鹽引勒合不親赴場支鹽中途增價轉賣阻壞鹽法者買主賣主各杖八十牙保減一等鹽貨價錢並入官其鋪戶轉買折賣者不用此律

私茶

凡犯私茶者同私鹽法論罪如將已批驗截角退引入山影射照茶者以私茶論

一成化十八年閏八月二十九日節該欽奉憲宗皇帝聖旨私茶有與販夾帶五百斤的照見行私鹽例押發充軍欽此

一凡與販私茶潛住邊境與番夷交易及在腹裏販賣與進貢回還夷人者不拘斤數連知情歇家牙保俱發煙瘴地面充軍其在西寧甘肅河州洮州四川雅州販賣者雖不入番一百斤以上發附近三百斤以上發邊衛各充軍不及前數者依律擬斷仍枷號兩個月軍官將官縱容弟男子姪家人軍伴人等與販及守備把關巡捕等官知情故縱者各降一級原衛所帶俸差操失覺察者照常發落若守備把關巡捕等官自行與販私茶通番者發邊衛在西寧甘肅洮州雅州販賣至三百斤以上者發附近各充軍一陝西洮州河州西寧等處行茶地方但有頂冒番

名將老弱不堪馬二匹以上中納支茶者官軍調別處極邊衛分帶俸食糧差操民井舍餘人等發附近衛分充軍冒支茶引俱入官叅將撫夷等官本身并縱容弟男子姪家人軍伴人等冒中二匹以上者一體問調邊衛帶俸差操警獸通事土民人等通同作弊者枷號一個月發落

一做造假茶五百斤以上者本商并轉賣之人俱問發附近原係腹裏衛所者發邊衛各充軍店戶窩頓一千斤以上亦照例發遣不及前數者問罪照常發落

私塾

凡私煎禁貨賣者同私鹽法論罪

匿稅

凡客商匿稅及賣酒醋之家不納課程者管五十物貨酒醋一半入官于入官物內以十分為率三分付告人充賞務官攔攔自獲者不賞入門不引同匿稅法其造酒醋自用者不在此限若買頭匹不稅契者罪亦如之仍于買主名下追徵價錢一半入官
一在京在外稅課司局批驗茶引所但係納稅去處省令客商人等自納若權豪無籍之徒結黨把持攔截生事攪擾商稅者徒罪以上枷號二個月發附近充軍杖罪以下照前枷號發落

船商匿貨

凡泛海客商船舶到岸即將貨物盡實報官抽分若停塌沿港土商牙僧之家不報者杖一百雖供報而不盡者罪亦如之貨物並入官停藏之人同罪告獲者官給賞銀二十兩

人戶虧兌課程

凡民間周歲額辦茶鹽商稅諸色課程年終不納齊足者計不足之數以十分為率一分答四十每一分加一等罪止杖八十追課納官若茶鹽運司鹽場茶局及稅務河泊所等官不行用心辦課年終比附上年課額虧兌者亦以十分論一分答五十每一分加一等罪止杖一百所虧課程著落追補還官若有隱瞞侵欺借用者並計贓以監守自盜論

錢債

違禁取利

凡私放錢債及典當財物每月取利並不得過三分年月雖多不過一本一利違者答四十以餘利計贓論罪止杖一百若監臨官吏於所部內舉放錢債典當財物者杖八十違禁取利以餘利計贓重者以不枉法論並追餘利給主其負欠私債違約不還者五貫以上違三月答一十每一月加一等罪止答四十五十貫以上違三月答二十每一月加一等罪止答五十二百五十貫以上違三月答三十每一月加一等罪止杖六十並追本利給主若豪勢之人不告官司以私債強奪去人孳畜產業者杖八十若估價過本利者計多餘之物坐贓論依數追還若準折人妻妾子女者杖一百強奪者加二等因而姦占婦女者絞人口給親私債免追

一凡勢豪舉放私債交通運糧官挾勢擅單官軍綁打陵辱強將官糧准還私債者問罪屬軍衛者發邊衛充軍屬有司者發口外為民運糧官叅究治罪一聽選官吏監生人等借債與債主及保人同赴任

所取債至五十兩以上者借者革職債主及保人各枷號一個月發落債追入官

一凡舉放錢債買囑各衛委官擅將欠債軍官軍人俸糧銀物領去者問擬詐欺委官問擬受財聽囑罪名

一兩京兵部并在外巡撫巡按按察司官點視各衛所印信如有軍職將印當錢使用者叅問帶俸差操執當之人問罪枷號一個月債追入官

一內外放錢債之家不分文約久近係在京住坐軍匠人等揭借者止許於原借之人名下索取不許赴原籍逼擾如有執當印信關單勘合等項公文者提問債追入官

一凡負欠私債兩京不赴法司而起別衙門在外不赴軍衛有司而越巡撫巡按三司官處各告理及輒具本狀奏訴者俱問罪立案不行若兩京別衙門聽從施行者一體叅究私債不追

費用受寄財產

凡受寄人財物畜產而輒費用者坐贓減一等詐言死失者准竊盜論減一等並追物還主其被水火盜賊費失及畜產病死有顯跡者勿論
一親屬費用受寄財物並與凡人一體科罪追物還主不必論服制遞減

得遺失物

凡得遺失之物限五日內送官官物還官私物召人識認於內一半給與得物人充賞一半給還失物人如三十日內無人識認者全給限外不送官者官物坐贓論私物減二等其物一半入官一半給主若於

官司地內掘得埋藏之物者並聽收用若有古器鐘鼎符印異常之物限三十日內送官違者杖八十其物入官

市廛

私充牙行埠頭

凡城市鄉村諸色牙行及船埠頭並選有抵業人戶充應官給印信文簿附寫客商船戶住貫姓名路引字號物貨數目每月赴官查照私充者杖六十所得牙錢入官官牙埠頭容隱者笞五十革去

市司評物價

凡諸物行人評估物價或貴或賤令價不平者計所增減之價坐贓論入己者准竊盜論免刺其為罪人估贓不實致罪有輕重者以故出入人罪論受財者計贓以枉法從重論

把持行市

凡買賣諸物兩不同而把持行市專取其利及販鬻之徒通同牙行共為奸計賣物以賤為貴買物以貴為賤者杖八十若見人有所買賣在傍高下比價以相惑亂而取利者笞四十若已得利物計贓重者准竊盜論免刺

一光祿寺買辦一應物料弘治四年十一月內節該欽奉孝宗皇帝聖旨茲頑之徒稱是報頭等項名色在街強賒作弊害人的掣來柳號三個月滿日還從重發落欽此

一會同館內外四鄰軍民人等代替夷人收買違禁貨物者問罪柳號一個月發邊衛充軍
一凡夷人朝貢到京會同館開市五日各鋪行人等

將不係應禁之物入館兩平交易染作布絹等項立限交還如賒買及故意拖延騙勒夷人久候不得起程者問罪仍於館門首柳號一個月若不依期日及誘引夷人潛入人家私相交易者私貨各入官鋪行人等照前柳號通行守邊官員不許將會經違犯夷人起送赴京

一弘治十一年二月十五日節該欽奉孝宗皇帝聖旨邇北小王子等差使臣人等赴京朝貢官員軍民人等與他交易止許光素紵絲絹布衣服等件不許將一應兵器并違禁銅鐵等物敢有違犯的都掣來處以極刑欽此

一甘肅西軍等處遇有番夷到來本都司委官關防提督聽典軍民人等兩平交易若勢豪之家主使弟男子姪家人頭目人等將夷人好馬奇貨包收逼令減價以賤易貴及將粗重貨物并瘦損頭畜拘收取寬用錢方許買賣者聽使之入問發附近衛分充軍干礙勢豪及委官知而不舉通同分利者參問治罪一成化十四年十一月初四日節該欽奉憲宗皇帝聖旨邇東開設馬市許令海西并朵顏等三衛夷人買賣開原每月初一日至初五日開一次廣寧每月初一日至初五日十六日至二十日開二次各夷止將馬匹并土產物貨赴彼處委官驗放入市許齎有貨物之人入市與彼兩平交易不許通事交易人等將各夷欺侮愚弄虧欠馬價及偷盜貨物亦不許搬置夷人指以失物為由扶同詐騙財物分用敢有擅放夷人入城及縱容官軍人等無貨者任意入市有貨者在內過宿規取小利透漏邊情事發問擬明白

俱發兩廣煙瘴地面充軍遇赦並不原有欽此
一各處客商輻輳去處若牙行及無籍之徒用強逼截客貨者不論有無誣賒貨物問罪俱柳號一個月如有誣賒貨物仍監追完足發落若監追年久無從賠還累死客商屬軍衛者發邊衛屬有司者發附近俱充軍

一楊村蔡村河西務等處如有用強攔截民運糧船在家包雇車輛逼勒多出腳錢者問追給主仍發邊衛充軍

一凡捏稱皇店在于京城內外等處邀截客商捐勒財物者俱軍送法司問罪就于害人處所柳號三個月發極邊衛分未遠充軍

私造斛斗秤尺

凡私造斛斗秤尺不平在市行使及將官降斛斗秤尺作弊增減者杖六十工匠同罪若官降不如法者杖七十提調官失于較勘者減一等知情與同罪其在市行使斛斗秤尺雖平而不經官司較勘印烙者笞四十若倉庫官吏私自增減官降斛斗秤尺收支官物而不平者杖一百以所增減物計贓重者坐贓論因而得物入己者以監守自盜論工匠杖八十監臨官知而不舉者與犯人同罪失覺察者減三等罪止杖一百

器用布絹不如法

凡造器用之物不牢固其實及絹布之屬紕薄短狹而賣者各笞五十其物入官

禮律
祭祀

祭享

凡大祀及廟享所司不將祭祀日期預先告示諸衙門者笞五十因而失誤行事者杖一百其已承告示而失誤者罪坐失誤之人若百官已受誓戒而弔喪問疾判署刑殺文書及預筵宴者皆罰俸錢一月其知有總麻以上喪或曾經杖罪遣充執事及令陪祀者罪同不知者不坐若有喪有過不自言者罪亦如之其已受誓戒人員散齋不宿淨室罰俸錢半月致齋不宿本司者罰俸錢一月若大祀牲牢玉帛黍稷之屬不如法者笞五十一事缺少者杖八十一座全缺者杖一百若奉大祀犧性主司喂養不如法致有瘦損者一牲笞四十每一牲加一等罪止杖八十因而致死者加罪一等中祀有犯者罪同餘條准此

毀大祀丘壇

凡大祀丘壇而毀損者杖一百流二千里墮門減二等若棄毀大祀神御之物者杖一百徒三年遺失及誤毀者各減三等

一天地等壇內縱放牲畜作踐及私種藉田外餘地并奪取藉田禾把者俱問罪牲畜入官犯人枷號一個月發落

致祭祀典神祇

凡社稷山川風雲雷雨等神及聖帝明王忠臣烈士載在祀典應合致祭神祇所在有司置立牌面開寫神號祭祀日期於潔淨處常川懸掛依時致祭至期失誤祭祀者杖一百其不當奉祀之神而致祭者杖八十

歷代帝王陵寢

凡歷代帝王陵寢及忠臣烈士先聖先賢墳墓不許於上樵採耕種及收放牛羊等畜違者杖八十

褻瀆神明

凡私家告天拜斗焚燒夜香燃點天燈七燈褻瀆神明者杖八十婦女有犯罪坐家長若僧道修齋設醮而拜奏詞表文及祈禳火災者同罪還俗若有官及軍民之家縱令妻女於寺觀神廟燒香者笞四十罪坐夫男無夫男者罪坐本婦其寺觀神廟住持及守門之人不為禁止者與同罪

禁止師巫邪術

凡師巫假降邪神書符呪水扶鸞禱聖自號端公太保師婆及妄稱彌勒佛白蓮社明尊教白雲宗等會一應左道亂正之術或隱藏圖像燒香集眾夜聚曉散伴修善事扇惑人民為首者絞為從者各杖一百流三千里若軍民裝扮神像鳴鑼擊鼓迎神賽會者杖一百罪坐為首之人里長知而不首者各笞四十其民間春秋義社不在禁限

一各處官吏軍民僧道入等來京妄稱諱號扶鸞禱聖書符呪水一切左道亂正邪術扇惑人民為從者及稱煉丹藥出入內外官家或擅入皇城黃綠作弊希求進用屬軍衛者發還衛充軍屬有司者發口外為民若容留潛住及薦舉引用鄰甲知情不舉并皇城各門守衛官軍不行關防搜挈者各參究治罪

一凡左道惑眾之人或燒香集徒夜聚曉散為從者及稱為善友求討布施至十人以上并軍民人等不問來歷窩藏接引或寺觀住持容留披剃冠簪探聽境內事情及被誘軍民搶與應禁鐵器等項事發屬軍衛者發還衛充軍屬有司者發口外為民

儀制

合和御藥

凡合和御藥誤不依本方及封題錯誤醫人杖一百料理揀擇不精者杖六十若造御膳誤犯食禁廚子杖一百若飲食之物不潔淨者杖八十揀擇不精者杖六十不品嘗者笞五十監臨提調官各減醫人廚子罪二等若監臨提調官及廚子人等誤將雜藥至造御膳處所者杖一百所將雜藥就令自喫門官及守衛官失於搜檢者與犯人同罪並臨時奏聞區處

乘輿服御物

凡乘輿服御物收藏修整不如法者杖六十進御差失者笞四十其車馬之屬不調習駕馭之具不堅完者杖八十若主守之人將乘輿服御物私自借用或轉借與人及借之者各杖一百徒三年若棄毀者罪亦如之遺失及誤毀者各減三等若御幸舟船誤不堅固者工匠杖一百若不整頓修飾及在船篙棹之屬缺少者杖六十並罪坐所由監臨提調官各減工匠罪二等並臨時奏聞區處

收藏禁書及私習天文

凡私家收藏元象器物天文圖識應禁之書及歷代帝王圖像金玉符璽等物者杖一百若私習天文者罪亦如之並于犯人名下追銀一十兩給告人充賞

御賜衣物

凡御賜百官衣物使臣不行親送轉附他人給與者杖一百罷職不敘

失誤朝賀

凡朝賀及迎接詔書所司不預先告示者笞四十其已承告示而失誤者罪亦如之

失儀

凡祭祀及謁拜園陵若朝會行禮差錯及失儀者罰俸錢半月其糾儀官應糾舉而不糾者罪同

奏對失序

凡在朝侍從官員特承顧問官高者先行面奏卑者以次進對若先後失序者各罰俸錢半月

朝見畱難

凡儀禮司官將應朝見官員人等託故畱難阻當不即引見者斬大臣知而不問與同罪不知者不坐

上書陳言

凡國家政令得失軍民利病一切典刑除害之事並從五軍都督府六部官面奏區處及聽監察御史提刑按察司官各陳所見直言無隱若內外大小官員但有本衙門不便事件許令明白條陳實封進呈取自上裁若知而不言苟延歲月者在內從監察御史在外從按察司糾察若百工技藝之人應有可言之事亦許直至御前奏聞其言可用即付所司施行各衙門但有阻當者鞫問明白斬其陳言事理並要直言簡易每事各開前件不許虛飾繁文若縱橫之徒假以上書為名巧言令色希求進用者杖一百若稱訴冤枉於軍民官司借用印信封皮入遞者借者及

借與者皆斬

見任官輒自立碑

凡見任官實無政跡輒自立碑建祠者杖一百若遣人妄稱己善申請於上者杖八十受遣之人各減一等

禁止迎送

凡上司官及使客經過若監察御史按察司官出巡按治而所在各衙門官吏出郭迎送者杖九十其容令迎送不舉問者罪亦如之

公差人員欺陵長官

凡公差人員在外不循禮法欺陵守禦官及知府知州者杖六十附過還役歷過俸月不准若校尉有犯杖七十祇候禁于有犯杖八十

服舍違式

凡官民房舍車服器物之類各有等第若違式僭用有官者杖一百罷職不敘無官者笞五十罪坐家長工匠並笞五十若僭用違禁龍鳳文者官民各杖一百徒三年工匠杖一百連當房家小退發赴京籍充局匠違禁之物並入官首告者官給賞銀五十兩若工匠能自首者免罪一體給賞
一各王府郡主儀賓該鉞花金帶背背獅子縣主儀賓鉞花金帶郡君儀賓光素金帶背俱虎豹縣君儀賓鉞花銀帶鄉君儀賓光素銀帶背俱彪故違僭用者革去冠帶戴平頭巾於本處儒學讀書習禮三年方許復職
一兩京堂上文職四品以下及五府管事并在京在外鎮守守備等項公侯伯都督等官不分老少俱不

許乘轎違者參問其餘軍職若上馬挈交牀出入擡小轎者先將服役之人問罪指揮以下參問京衛調外衛外衛調邊衛俱帶俸差操

一軍民僧道入等服飾器用俱有舊制若常服僭用錦綺紵絲綾羅彩繡器物用飲金描金酒器純用金銀及將大紅銷金製為帳幔被褥之類婦女僭用金繡閃色衣服金寶首飾鐲釧及用珍珠綠緞衣履并結成補子蓋額纓絡等件娼妓僭用金首飾鐲釧者事發各問以應得之罪服飾器用等物並追入官

一官吏軍民人等但有僭用元黃紫三色及蟒龍飛魚斗牛器皿僭用朱紅黃顏色及親王法物者俱比照僭用龍鳳文律擬斷服飾器物追收入官

僧道拜父母

凡僧尼道士女冠並令拜父母祭祀祖先喪服等第皆與常人同違者杖一百還俗若僧道衣服止許用紬絹布匹不得用紵絲綾羅違者笞五十還俗衣服入官其袈裟道服不在禁限

失占天象

凡天文垂象欽天監官失于占候奏聞者杖六十

術士妄言禍福

凡陰陽術士不許于大小文武官員之家妄言禍福違者杖一百其依經推算星命卜課者不在禁限

匿父母夫喪

凡聞父母及夫之喪匿不舉哀者杖六十徒一年若喪制未終釋服從吉忘哀作樂及參預筵宴者杖八十若聞期親尊長喪匿不舉哀者亦杖八十若喪制未終釋服從吉者杖六十若官吏父母死應丁憂詐

稱祖父母伯叔姑兄弟之喪不丁憂者杖一百罷職役不敘無喪詐稱有喪或舊喪詐稱新喪者罪同有規避者從重論若喪制未終冒哀從仕者杖八十其當該官司知而聽行各與同罪不知者不坐其仕宦遠方丁憂者以聞喪月日爲始奪情起復者不拘此律

一文職官吏人等若將遠年亡過父母詐作新喪者問發爲民若父母見在詐稱死亡者發口外獨石等處充軍其父母喪計原籍程途每千里限五十日過限匿不舉哀不離職役者俱發口外爲民

棄親之任

凡祖父母父母年八十以上及篤疾別無以次侍丁而棄親之任及妄稱祖父母父母老疾求歸入侍者並杖八十若祖父母父母及夫犯死罪被囚禁而筵宴作樂者罪亦如之

喪葬

凡有喪之家必須依禮安葬若惑於風水及託故停柩在家經年暴露不葬者杖八十其從尊長遺言將屍燒化及棄置水中者杖一百卑幼並減二等若亡歿遠方子孫不能歸葬而燒化者聽從其便其居喪之家修齋設醮若男女酒雜飲酒食肉者家長杖八十僧道同罪還俗

鄉飲酒禮

凡鄉黨敘齒及鄉飲酒禮已有定式違者笞五十